

義甯州志卷第三十五

藝文志

詩

國朝

論山谷詩

尚書

王士正

阮亭  
新城

一代高名孰主賓中天坡谷雨嶙峋瓣香只下涪翁拜詩派  
西江第幾人

晚眺

知州徐永齡 遼陽人

乍晴高縱目天地半浮空絕壁苔痕綠遙岑日影紅洞庭湖  
不遠彭蠡水猶通百里西安境雄居吳楚中

義甯州志

卷三十五

藝文志詩

過抱子石

抱子何年石嵯峨向水湓雨流千古淚烟鎖一時眉有婦知  
兒苦無人憶母慈如余浮宦海過此更生悲

重九前二日至梅市樓居偶題

徙倚層樓日未西邨烟面面白雲齊河陽漫數花千樹彭澤  
閒看柳一堤勞我簿書偏不輟到天峯嶺亦難躋籬邊菊趁  
重陽近香促蠻牋強自題

修江舟子

修江舟子最為難山是奇高水是灘青纜時須牽絕壁赤身  
冬亦浸狂瀾朝炊脫粟臨風噉夜枕輕簑帶露乾似此生涯



寒到骨也知義命自相安

南崖藏龍洞歌

州判 鄒宏志 烏程人

南崖隱隱雷聲宵洞口石裂龍尾掉空巖零落噴珍珠化作  
蓮花色何皎抱琴偶過釣溪邊流水高山落眼前清寒彷彿  
瀉石髓幽曠真如坐玉泉火髻雲鬣從空下盤旋難免葉公  
詫虬松鱗甲更蒼然也似蜿蜒神物化山僧歸來杖履輕飄  
笠蕭蕭尙有聲忽然供鉢湧雲氣雲雨還從鉢內生

立秋後過南山厓留題

閒身殊悔又之官只有看山興未闌放眼喜當秋氣爽攜筇  
來踏葉聲乾雲生石壁千巖暝風送松濤一寺寒僧榻盤桓  
機事少臨流高枕羨魚竿

義甯州志

卷三十五

藝文志詩

二

分甯竹枝詞

南山峭壁似衙排北牖青山又跳來雲霧曉看多變幻碧陰  
常待午餘開  
才近清明斷雪天那知寒燠竟相懸有時乍熱穿荃葛三日  
連陰又着棉  
土瘠山寒菓未佳清芬那得到水牙碧桃味淡楊梅小可口  
除非是枇杷

山田曲曲有高低雨後潺湲路不齊阡陌層層皆作堰碧波  
深處浴鳧鷺

遊版峯

邑人 熊廷瑁 百子

山人師意筆橫卓潑翠堆青圖五嶽雲度分剪薜蘿衣烟消  
半淬芙蓉鏗滴瀝洞嵐帶雨俱嶙峋石磴階天若葯熟杵間  
鉢飲虹丹成羽化瓶飛雀破笠枯籐常住禪老猿瘦鶴聆經  
鐸尋幽籟擁竹當風選勝濤隨松在壑濛濛絕巘復霏霏浩  
浩中懷還落落攜來長劍倚殘霞摘取星辰懸肘握只今橫  
弄苦攬捨小草方切澄清畧何年銀漢洗金戈洞府安眠無  
肩鑰

洞山寺

一寺藏山洞洞中復有山砌巒清欲滴鑿澗碧何潺梵古僧  
來韻林幽鶴在閒天空無一物惟見白雲還

義甯州志

卷三十五

藝文志詩

三

壘金山寺

邑人 余應荃 蝶莊

深深多寶寺蒼鬱氣無極居山愛前峯雨餘勤登陟遠岫列  
青螺麥隴比如織松下人一豆遐矚窮目力偕我益者友收  
視反靜默活活聽流泉幽與鸚聲值俯瞰樓戶通畫舫堪偃  
息上山屋在腰下山屋在肋足勢未敢放悚然履劣崩

遊黃龍和山谷韻

桐帽棕屨謁祖衣秋幢帳晚立斜暉淒涼法窟聞龍泣漫滅  
靈源看犢歸諸佛自來追勝蹟三關我欲暢元機頭陀競說  
荒唐事問向涪翁是也非

遊幕阜山

邑人姚修經石梁

幕阜峯橫古艾西陵嶒翠聳碧天齊瓊田一草超吳產澗汨

雙流到楚溪神禹靈碑蚪蚪燦山上有大禹治水至此碑仙翁石室鼎爐

迷葛仙翁石室祗今法窟黃龍著自掃莓苔覓舊題

和陳蔚菴叩須渡

扁舟江上載琴書閒與浮鷗日對居兩岸烟花春賭酒一竿

風月夜釣魚停橈愛繫陶潛柳泛宅邀吟魯望廬肯把東津

稱樂國桃源莫問武陵漁

洞山寺

邑人熊廷幹貞夫

一天秋色淡松花獨鶴歸來帶落霞石洞草青僧入定白雲

義甯州志

卷三十五

藝文志詩

四

飛出護袈裟

分甯懷古

州同胡錫熊會稽人

溶溶修水出分甯萬壑千峯入眼青雙井茗茶春自早一池

菡萏靜猶馨此邦人物多翹傑在昔詒留有典型最是襟懷

堪遣處清秋月上冠雲亭

濂溪愛蓮池

池在州判署中

州判繆象衡如臯人

曦輪馳駛幾何年靜撫遺編見昔賢百代啟蒙圖太極一時

托物愛池蓮中通已絕纖毫蔽外直無容尺寸牽且向修江

標淨植何殊溢浦濯清漣簿書期會非吾事霽月光風別有

天微祿幸聯芳轍後半窻綠草自芊芊

書南厓順濟龍王碑後

邑人 劉顯祖 甯拙

我看明月灣頭字瘦硬通神如公詩公詩瑰瑋妙千古公字  
薜剝石離披在昔南山師清隱君曾爲作順濟詞大筆劖刻  
如錐畫鐫刻不殊龍岡碑潭底龍眠抱砂礫乍聽晨鐘睡初  
覺光怪陸離湛水瀆奮髯露爪來相攫一自沙沉鏡畫埋夜  
夜紫氣凌星宿公去無人作水檄老蛟雄據螭盤躩龍宮至  
寶難久藏一朝浪湧碑浮落元豐距今七百年字字抉石神  
工鑿璞隱荆巔價連城劍埋豐獄光盪獄吾儕著作藏名山  
檢牒有人司鎖鑰石碑石碑汝何奇磨洗仍壽南山陲南山  
不騫碑不移

義甯州志

卷三十五

藝文志詩

五

乾隆辛酉季夏二日風雨大作翼日聞銅鼓營蛟水暴漲  
淹溺無算賦長歌紀事

六月初二火雲沸赤日燒天當午未大治煮金金欲流窟室  
難將吳牛庇須臾風自西北起縱橫叫號走山鬼白晝沉沉  
如昏夜飄飄欵忽無定止樹老如虬根如斗盡付封姨作儼  
帚繞地盤旋舞不迭軒然放哨疑虎吼如拳山雨擊虛瓦百  
萬金鼓從天下震雷轟轟助其威倒海排山天地亞獨有長  
松聲格格怒欲張拳奮髯戟飛濤故故與雷爭大似孤延闕  
霹靂生平浪說越潮怒區區溝澮不足數此夕驚濤竟何如  
簷瓦飄颺蛟蝶舞日前銅營夜走蛟平地水湧十丈高深閨

夢斷一江寒，倮身漂泊無人撈。母猶抛子置，乳下娘持女手。  
死不捨無貴無賤，委泥沙淹淹。只當魚與鮮，舟車多險陸處。  
難茫茫何處覓安瀾，但令寸心少豁谷，不須剗道平巴山。  
不見洞庭波，分君山雨舟子漁人稱樂土，不見劍門之險干青。  
雲逋客紛紛走朱輪，我時正入邯鄲道，龍鬪虎爭都不曉醒。  
來山妻說怪事，一片離迷夢草草始信希夷神，妙訣任爾風。  
濤歸寂滅，似看明星復在天，銀漢無波光皎潔。

春日道經馬祖湖

肩輿分小步，朗朗出前川。菜老香舖地，苗新綠滿阡。宿開邨  
店酒雲羃，野湖天馬祖。何年到心心，印水田。

義甯州志

卷三十五

藝文志詩

六

衫市司古署二首

一官如小隱，庭際落松花。蟻店營荒市，蜂房放晚衙。灘危聲  
到枕，署冷夢還家。秋氣涼生樹，黃昏集暮鴉。

古署連邨塢，漁樵曉市喧。官閒門不啟，地遠吏常尊。石破青  
苔岸，沙沉古樹根。一篙秋水裏，錦浪逐霞翻。

過龍安寨

歲暮苦行役，黃昏馬骨寒。冷雲迷磔口，宿霧鎖龍安。樹匝旌  
旗合，峯圍劔戟攢。男兒等死耳，生氣拍征鞍。

宋黃介  
殉節處

小路口訪潘使君拙叟逸事

行行小路口，駐馬訪先賢。不種河陽樹，來培蜀國田。渠功周

四載水利注西川使君尹成都興水利築堤石鼓留遺蹟摩挲出紫烟

### 泰清過冷學士覺齋故址

學士何年宅風流滿泰清月從樓際聽花向筆頭生有聽月樓并詩  
闕閣貽吳壤枌榆近楚城蹊山多積雪詩思寄遙情

### 西平故城

西平尋古蹟叠嶂馬頭青石罅殘邱瘞寒泉九井渟雲屏開  
鳳翅水郭列獅形誰化歸來鶴山城半杳冥

### 石門洞

混沌何年鑿懸空劈洞門泉飛穿石罅樹古夾雲根冷翠侵  
衣溼幽崖障日昏重圍森劍戟疑是海雲屯鄉人扼險禦寇處

## 義甯州志

### 卷三十五

藝文志詩

七

僻幽無路到石磴匝苔生蛇蛻蒼藤挂鶻巢老樹擎洞昏來  
嘯魅林密走飛鼯罕地驚人處空山啄木聲

### 過東嶺

東嶺崎嶇路崇岡夾道松去天剛一握拔地已千峯瀑界三  
條白硃懸一點紅頂有水簾懸硃諸勝邨烟娛目處蟻蛭入雲封

### 脉灘天柱峯

脉灘誌載巨石一峯壁立于仞挿漢干雲不可階升土人  
猿捷者間一登陟俯瞰魂慄實為銅營水口文峯傍有飛  
來石夜合山凌庵石室諸勝俗以麥菓名山晒鞋名石猪  
頭名峰大為山靈減色余庚午冬過其地延伫遠眺筆筆

奇峰其秀拔處有荆關寫不到者因更其名爲天柱峰而  
夜合飛來仍其故號偶成一律爲山靈解嘲

一柱擎天入畫圖亭亭壁立鎖烟孤脉灘浪洗巖根瘦岫嶺  
雲籠石佛腴峰自幾年渾合壁鳥從何處化雙鳧分明卓筆  
凌魁斗拜丈還須米老呼

和余燕菴南崖韻

何人絕頂溯風流山谷臺荒薜荔幽峭壁蘚侵遺墨隱空潭  
雲破古碑浮亭臯倚樹飛颺鼠閣迥招僧話牯牛向夕歸樵  
爭晚渡石門烟雨到城頭

欄樹三灣

義甯州志

卷三十五

藝文志詩

八

一灣相見一灣還問是桃源第幾關澗水杳然穿石放亂飛  
花片到人間

送蛤大師之甯州

檢討

毛奇齡

西河  
蕭山

道人渡江去拂衣隔人羣將攜剡川雪一卧匡廬雲妙指天  
邊落清談石上聞 丙廷供奉久長憶

聖明君

蛤公曾題  
住椒園

永夏辭天姥新秋去若耶題詩存八正飛錫近三巴鉢隱龍  
宮樹衣裁鷺嶺花天崖相問處不記有恒沙

東土栖支遁南朝重惠休金臺邀

翠輦銅椀賜紅樓出伏山前虎行隨海畔鷗宗雷舊同社相送



上甯州

修溪石室好此地得精廬編戶知僧律長廊貯佛書覽聆幽  
贊會常住淨明居誰道秋江上瞻雲過太虛

修水行

僧本園 蛤菴

昔居耶谿側今住修水灣採蓮不離水採薪常在山山水水諒  
不厭平生相往還

宿雲巖寺

不緣親利涉安識濟川功 時小梅嶺下乏渡因截流而過 山散殘虹雨鴉翻

亂葉風雲霞穿雉堞烟火夾禪宮一錫鳴天際長期祖道通

過兜率張商英問法處 時未住之前作也

義甯州志

卷三十五

藝文志詩

九

繼遠須名勝登壇履舊塵我來酬夙志山亦解留人蝶夢空  
禪榻蜂房贅佛身誰為張運使重際此芳辰

應朱肯堂兜率之請

一署雲根下千山總到衙裁書遺苾士篔水種蓮花課減租  
庸少官閒歲序賒相期心正密拂石望行車

上谷曾三到陀天豈一行地從吾祖闢法藉宰官成高座搏  
獅解荒崑佈鴿情蒼松原有意長作海濤聲

遊金華寺

陳言吉

閒尋溪曲過金華香送茶蘼滿架花僧樸相逢無禮數趙州  
禪意一杯茶

貞女湯招姑

知州張耀會

扶輿清淑氣偏鍾在婦女奇節本庸行一一堪告語有女曰  
招姑弱齡方十五生長在農家所習惟蓀紉耳不聞訓誠身  
不親鄒魯豈知性自良不與裙釵伍維爾三歲時蹇修通系  
譜未及賦桃夭裂斷鴛鴦杼悲哉失所天視殮空延仁誓俱  
從地下同穴予與汝總由見理明決機乃如弩知死重於生  
視生輕如土其生不足榮其死爲得所行當達

九重綽楔貞千古

濂溪書院

精舍名藍擁薜蘿修江千載尚絃歌胸中太極涵光霽池上

義甯州志

卷三十五

藝文志詩

十

秋風老菱荷泗水一燈輝赤縣雙祠百代倚崇阿每慙未辨  
分甯獄展拜庭前汗頰多

過毛竹山

邑人陳昌言  
注津

曉起出林麓隨山路幾灣方欣來坦道又怯過層巒雨氣生  
巖壑雷聲走石灘隔溪人語響邨屋野雲環

抱子石

鐵作肝腸石作胎年年抱子立江隈隔河欵乃篙聲響微問  
阿爹幾日回

釣魚臺

文節高風翳草萊野人猶識釣魚臺夜深明月沙鷗起疑是

先生放艇回

早發巉岩山

石磴尋河路轉西山間好鳥不時啼  
野花鬪盡溪邊色一徑香風送馬啼

雨中登南山厓

邑人陳侃言

嵌空樓閣勝蓬瀛為愛登臨不待晴  
風起濂溪來小院雲生龍窟擁孤城  
還巢山鳥依林響罷釣漁舟隔岸橫  
踏碎莓苔尋古寺翛然梵唄數聲清

拜康敏公墓

名仲道

邑人查文溥盛川

批鱗拜杖叱天閭垂死猶留鐵石腸  
一卷彈章驚輦轂千秋

義甯州志

卷三十五

藝文志詩

十一

尸祝盛汀杭恨遺直節拋青史愁絕忠魂泣  
白楊幸有蘇亭相洽比數聲笛鶴慰泉堂

杏苑亭

邑人冷時梅惺堂

山前十里礪潺湲亭苑荒涼思渺然野竹低昂幽屋外天桃  
開落小橋邊黃泥坵邨杏苑橋朱靈齋有記涪翁屐跡經蕭寺坡老吟懷入  
逝川幾度樓頭聽春雨杏花流水到查田

來蘇亭

邑人查文海百川

小渡坡仙喚蘇亭結構新始知今古事終愛讀書人我意尋  
山谷時傳訪穎濱岸花連石笋掇薦勝淇蘋

藏龍洞

方菲

何年龍去洞猶存斷岸長留爪甲痕黑雨疑迴滄海窟白雲  
閒鎖碧山門僧無機事野鷗狎客有詩催蘿月魂聞說松濤  
常撼岳蒼虬百丈欲飛奔

家園雜憶

邑人周孔從白亭

月圓犀照月月破犀沉水三載蘆溝夢直到犀潭底

犀潭

香山老居士柏堂雜竹閣祇今留瓣香開亭看雲鶴

白亭

傍閣一株松霜皮半枯槁長伴著書人風雨龍鱗老

枯松

小窻秋氣深夜靜發幽響坐月藤花前憶月梧桐上

梧月窻

清泉注半池小島波心起却笑環遊魚夢夢幾千里

半池

上有鷄鳴峯下有犀潭水欸乃雜漁歌寺鐘半夜起

鷄鳴峯

義甯州志

卷三十五

藝文志詩

三

瀛臺侍宴恭和

御製元韻

詔啟蓬萊集珮珂西京酺賜協時和高秋早浥金莖露樂歲先

登玉藉禾苑柳影隨

仙仗合池荷香繞

翠華過遙從畫鷁瞻

龍衣五色雲中動鼓歌

水閣風亭面面稠還循曲澗看花浮碎金竹影丹崖繞漱

玉泉聲碧竇流鶴舞松陰隨駐輦鷺飛蘭嶼起迴舟玉堂

漫說蓬瀛侶直到蓬瀛最上頭

望裏翔鸞曉色娟光凝  
黼座擁祥烟時將乾惕承

天貺特許賡颺近

御筵鎬宴重從周室紀汾歌曾自漢廷傳我

皇樂愷思

文祖湛露恩深媿昔年

碧漢昭回

睿藻留泰交堂陞共賡酬雲窻月宇聯佳咏玉露金風賦好秋

柏殿乍瞻分錦字

仙毫重覩燦銀鈎蓬山處處欣遊豫

義甯州志

卷三十五

藝文志詩

十三

丹詔宣傳徧十洲

遊官溪

高齋上與白雲齊邨落深沉列岫低短短桃花紅遍野遙遙  
柳色綠當溪烟中釣艇魚吹浪林外秧歌鳥和啼怪得小僧  
忙入寺一聲鐘打夕陽西

官溪竹枝詞

鋤梨趁雨傍山阿牧豎騎牛踏水過一望野田新綠徧栽禾  
不敵種棉多

清水巖次山谷先生韻

盛

樂

水濱  
豫章

萬怪集重門寓目皆奇好有如編眾玉一筵詎能攷石髓自

然凝何事燒丹竈由竇來清風禪元一時掃  
洞石既俶詭洞水復清好有石巖溜下八音齊拊攷我欲割  
蓮花煮之仙人竈苟無渴與饑塵根從此掃

### 南山崖

稜稜蒼壁入空盤遠勢全收到石欄山水我來新揖讓文章  
谷老舊風湍一汀烟柳連春暗無數高峰接雨寒呼吸已通  
天帝座狂歌不礙切雲冠

冠雲亭下古莓苔江水江花幾劫灰裂畫龍碑洗沙石侮波  
蛟爪斷風雷百年春老棠梨謝三月烟濃薜荔開我欲題名  
千尺上登高終媿大蘇才

### 義甯州志

### 卷三十五

藝文志詩

古

長至後五日對溪七子招集南山崖喜得再遊書此紀事

編修  
熊爲霖  
西昌

南山有真性遲我來重遊霜氣蕩虛碧洗出蒼崖幽前者殊  
慷慨今此爲綢繆摩挲鍊色壁一一細校讐薜荔向我笑靜  
與天倪謀有如故人面一日思三秋縱勢再延攬坐我山外  
樓谷老古先輩瘦筆盤雲亂石剝字不滅氣約神所留吾輩  
肆歡會山水互唱酬暝色薄天翠遠浦歸漁舟杯盤已狼藉  
洗盞澆青邱大雅如可續努力期媿修

### 抱子石

抱子江心立江流日夜東月眉愁破鏡石髮蕩西風骨立還

如此情源不可窮好將離恨水倒影照歸鴻

過桃樹嶺

青布裹頭肩荷鏡漚麻纔了又漚藍棚家血汗經霜露茅屋  
三間月一巖

題周太史白亭先生風雨吾廬圖

彭湘懷 漢陽人

丙寅秋遊都門白亭先生屬作風雨吾廬圖越明年余將  
買策南歸先生並出絹素申前請今春將拈毫以報而先  
生已於去臘底赴道山矣思所以抒情者不得因勉為此  
圖寄令嗣張於靈前以當掛劍之義俾同館諸公暨道義  
文章之相好者同和焉

義甯州志

卷三十五

藝文志詩

五

春來一雁到林邱試展生綃淚更流何意長安車馬外半樽  
清酒竟千秋

幾椽破屋亂山中辛苦難忘雨與風鄭重為君圖此幅遊仙  
好過鄱湖東

學士 顧汝修 華陽人

難憑宿草弔荒邱苦憶蓬壺第一流樽酒聯吟餘韻在 白亭與余

及同年輩 唱和最多 年華逝水幾經秋

為寫平生一傳中 白亭既沒 龍門史筆愧遺風人琴盡後留

圖畫風雨年年被屋東

主事 余騰蛟 賓竹 豫甯

風風雨雨暗荒邱  
天半危濤咽不流  
絕壑雲蒸山影動  
蕭齋岑寂獨尋秋

不堪回首夕陽中  
脫手長安雨又風  
最是可憐生別後  
故人魂赴玉樓東

熊爲霖

鸞亭翼翼小邨邱  
雨水當門夾鏡流  
風雨可憐吹萬木  
玉人無夢到清秋

人在襄陽畫影中  
一簾寒雨一亭風  
家山剩有歸魂約  
遊戲烟雲過海東

編修

蔣士銓  
心餘鉛山

義甯州志

卷三十五

藝文志詩

六

十載鄉山正首邱  
京華同感逝川流  
誰知未了菟裘願  
身後圖將老屋秋

招魂補畫素綃中  
一樹哀蟬哭晚風  
此是小真山下路  
水聲嗚咽佩丁東

當時詩筆比清邱  
聞道涪翁壓輩流  
戊辰入都值先生甫下世  
贏得驢車過舊宅  
故人爭感宋墻秋

曾拜詩人總帳中  
十載雙井想遺風  
明年雛鳳棲阿閣  
仍在桐花小院東

正詹

陳桂洲  
修堂

寄囑霜綃萬壑邱  
生前死後總風流  
只今贏得遺圖在  
縹緲



魂飛世外秋

西清一夢六年中  
夜雨聲寒落葉風  
為向草堂呼不起  
誰人續唱大江東

舊盟心跡隔山邱  
淚向鍾期逝水流  
往事低徊圖畫裏  
白楊衰草幾經秋

仙人久赴碧霄中  
淒斷寒廬雨與風  
化鶴可堪重回首  
孤鶩雛鳳起河東

一間老屋傍林邱  
風挾泉聲樹杪流  
六載京華千古夢  
夢魂飄斷故山秋

義甯州志

卷三十五

藝文志詩

七

剩馥殘膏在眼中  
祇從圖畫見遺風  
傷心絕筆標題在  
逝水何緣得再東

謂涂石溪先生

主事

張華甫

實園豫甯

夙踞蓬萊第一邱  
六年青鎖羨風流  
花磚影没人何處  
遠水長天一雁秋

閒將遠岫列窗中  
一枕松濤萬壑風  
別有襄陽難畫處  
漁燈數點水雲東

斷崖深處覓浮邱  
人踏溪烟渡淺流  
籬下不栽居士菊  
故山風雨為誰秋

輞川精舍畫圖中  
石徑雲低薜荔風  
夜雨一林秋色老  
詩魂

疑過板橋東

濂溪山谷祠

邑人朱之麟靈齋

周黃二先生建祠江上地瞻禮步前階動我憑弔意理學首  
數周大啟往聖秘動靜互爲根陰陽涵妙契疑獄片言剖精  
神過老吏風月擬襟懷庭草自交翠黃敦孝友行古人堪追  
配直筆效董狐權奸勿少諱斥逐歸九原凜凜有生氣佞史  
與謗書是非誰能易於哉兩遺影耦坐允無媿踪跡不相侔  
而爲斯文賁以此隆明禋幽光顯奕世

曲池懷古

戴公石屏鑿曲池騷客來遊賦新詩吟盃灑向清溪水前朝

義甯州志

卷三十五

藝文志詩

六

文物亦堪悲君不見岸頭草色碧萋萋經霜冷落嘆無遺又  
不聞枝上靈禽鳴不止若對人前惜芳時往者勿還新者故  
微名薄利等朝露蘭亭勝會事茫然桃李園中春已暮祇今  
惟餘月一輪夜半精光遙相注

抱子石

阿婦誰家偶昂藏立道旁懶梳新樣髻猶戴舊時粧枕席鄉  
關遠恩勤歲月長願言離襁褓代父戍遼陽

南山厓

南山突兀舊標名路窄還依薜荔行烟裏篔簹圍佛寺風傳  
鐘磬入官城櫺中鳳巘千尋翠檻外修江一片明白是祇園

居咫尺人間萬慮灑然清

龍安山

勝國鄉民曾避兵儼然天置一龍城踏開青嶂乾坤濶掃盡紅巾鉦鼓鳴翠竹千竿棲霧隱蒼松百尺綴霞明桃源故跡無人問祇為中原息戰爭

東西園

戴石屏載酒處

川原瞭歷滿蒼烟為遡芳型思渺然半畝清池留古蹟兩園勝事到今傳花茵鳥語呈歡會雲影山光入錦筵載酒高歌人已往不堪愁絕夕陽前

翠微墩

義甯州志

卷三十五

藝文志詩

九

纍纍遠阜列重圍繡閣珠簾捲翠微載酒綺筵歌後苑憫農佳詠步前徽石屏憫農詩當時方之聶夷中清溪似帶園林舊古木干霄臺榭非勝事當年誰再續寒烟飄渺鷓鴣飛

銅雀瓦硯

邑人陳

鏜

對溪

何處望西陵無復舊臺榭美人埋芳草片玉存古瓦幾經冰與霜遺茲千載下淵然發寶光蘸墨寒濤瀉誰鐫古銘詞遺音仰大雅姓字依稀識昔我同鄉者上鐫黃山谷銘覲此良非偶摩挲不忍捨死者如可作應感物幻化昔覆在崇臺今置在精舍

清水巖

邑人陳

豐

牧鼻

幽巖深處石崔巍四望玲瓏繞翠微絕壁懸鐘鳴夜雨高厓  
裂竇漏朝暉莓苔半蝕游仙篆薜荔都成古佛衣靜對悠然  
無俗物清泉活活漱危磯

同繆廣文遊南厓

一峯橫亘水之濱蒼翠痕分白石粼日射山腰呈鳥篆雲迷  
洞口護龍鱗讀書深院人何在題字危磯跡已陳竹杖棕屨  
遊興劇憑將小酌坐花茵

見田間力作感而賦此

知州許淵樵香山陰

一居深不見竹裏起炊烟牛跡泥侵路蛙聲水滿田一年生  
產計四月插秧天退食多慙德空懷沮溺賢

義甯州志

卷三十五 藝文志詩

三

停訟後偶作

楚天初過雨簾外盡雲峯入夏黃鸝老當軒綠樹濃政非能  
簡易性本愛疎慵只此焚香坐毋令擾野農

邨行

鶯啼邨徑僻雨釀一林烟野水高於岸春山綠到田桑農是  
經濟犁犢好周旋願爾民無訟熙熙擬葛天

重刻山谷全書紀事

知州宋調元理堂元和

修水採文淵英華超北宋過化來濂溪千似攬翔鳳風月妙  
品題圖書誰伯仲光霽涵胸中魯直能推重美玉與精鏐坡  
仙欣目送一篇薦士表文行已兼綜黔宜任間關夷險不足

動砥柱橫中流後學有折衷七百年吾道辦香共祀典  
迄未崇奉祠失系統遺書嘆飄沉墜地增深恐鏤版忽重光  
推挽吾從眾展禮肅衣冠哀然陳雅頌從此寰宇中名經干  
佛供

己巳九日宴集南山厓

邑人熊高福雪研

且踐登高約秋風石磴涼輕烟迷斷岸古木挂斜陽花與人  
俱瘦詩因酒更狂杯盤狼籍後片月下滄浪  
性僻耽山水巉巖捫葛藤客懷閒似鶴秋意淡於僧絕巘人  
偕陟荒亭我歎登振衣千仞上雲壓帽層層

遊版峯

義甯州志

卷三十五

藝文志詩

三

窮險尋仙跡紆盤鳥道紛人松身滿露履石足生雲猿嘯臨  
風聽花香隔澗聞峰頭延遠眺玉草氣相薰

酬濂山蕭掌教遊南厓

蕭名之禮  
考感舉人

邑人劉學俊對山

置屋懸厓上遙遙北斗深撥雲披佛面背日過江心載酒人  
何在迎風樹欲森此山城郭近稚子也能尋

贈別蕭掌教

士民不失望恩詔下林邱有酒與君別無人解我愁山移  
湖口樹水落洞庭秋得職懷山甫因風想許由

春日讀書鷄鳴山寺

邑人周學山開庾

山窻岑寂探真元曲徑蕭然別有邨花氣薰殘蝴蝶夢春山

啼老杜鵑魂酒能破悶顏先醉書可消愁眼易昏靜聽鷄鳴  
分舜躋夜深燈火細評論

禪房真是化人家坐我青氈興倍奢野水綠侵橋上竹山花  
紅接嶺頭霞題來蕉葉摹懷草步到經臺味法華怪底俗塵  
無處入松風漠漠白雲遮

秋日家居以詩代書寄呈二家叔西厓

別後音書寄幾緘客冬猶憶引征帆夢回犀浦雲千嶂秋到  
蘆溝月一巖得意喜公懷紫綬多愁憐我滯青衫明時莫負  
蒼生望五馬應須整轡銜

拜黃山谷墓

義甯州志

卷三十五

藝文志詩

三

青牛騎去化仙真節義文章死後伸墨浣西江傳法派天留  
北宋作詩人一棺幸洗宜陽瘴雙井誰扶大雅輪明月灣頭  
秋色好烹茶惟薦白芽新

秋日跋先君風雨吾廬遺圖後用彭念堂先生韻

風滿寒山雨滿邱百年人事水東流傷心欲賦招魂什梧葉

窻前月正秋

榕月窻先  
君讀書處

太史遺墟竹一邱雙橋人去淚空流自從劍履辭金殿苦雨  
淒風十二秋

丰標如在畫圖中幾樹饑烏泣晚風南岫依然人不見詩篇  
空貯石樓東

十載清名翰苑中何堪秋雨復春風惆悵仙蹤何處是不知  
南北與西東

鹿源山

訓導

尹昭勅

西嶠上猶

翠壁丹崖尚可尋洞門雲鎖護松陰仙人白鹿歸何處流水  
桃花見道心

九日登道嶺

邑人

胡宗定

此園

招遊尋勝跡踏破白雲高寺拔孤峰起僧驚一笑豪烹茶無  
世味種竹有清操蔓引松鱗老風來自抑搔

過西峰寺

一去離城十里遙西峰積翠上千霄深雲未許通冠蓋曲徑

義甯州志

卷三十五

藝文志詩

三

何曾碍牧樵地湧冽泉飛海眼天開平野在山頭我來領畧  
趙州意聞得清香湯已消

都門別余桂崑二首

銀燈斲接綺筵紅岐路天分指顧中三晉雲山雙蠟屐九江

烟水一歸篷

時桂崑有山右之遊

名場休戀觸蠻蝸識得歸舟卽漢槎此去不須論得失相逢  
煮酒問梅花

鶴源水

邑人

徐文幹

筠亭

修水支流合璿源源九宮一泓徹冬夏千畝漑南東月冷魚  
吹浪秋高鶴舞風懷清憑飲啄仙馭入雲中

過修溪口

芝臺館畔長菰蒲燕子厓前聽鷓鴣東去修溪如瓮口猶傳黃氏舊枌榆

嶸巖山

邑人 余 芬 桂嶠

嶸岫挿江浦阪折路難通翠滴千巖雨寒生萬壑風當關橫一劍拔幟豎雙虹翹首雲移岫林深夕照空

過金雞洞

邑人 袁 珥 念圃

深巖幽洞挿江浦傳有金雞出銅鼓金雞一去幾何年長留飛瀑晴翻雨壁懸精鍊絡藤蘿怪禽一聲山鬼舞孤雲兩角摩清空絕磴欲攀猿猶阻峰頂遙送鐘聲來驚起山家雞報

義甯州志

卷三十五

藝文志詩

一

午

遊清水巖次洪岷山韻

邑人 萬 鉉 韻庚

造物森神奇幽怪豁山腹香風生近崖白雲起遠麓折車疑太行藏真想王屋馳慕二十年安得神鞭縮山靈驚我來巖岫如結束夾路鳴翠禽迎杖走白鹿境幽地自清意愜步能速南巖與北巖亂石如盆覆詭異不可名變幻交人目或爲怒鳥飛或爲神獸伏或爲生鉢蓮或爲抵雀玉或爲筍之鎗或爲棋之局平者如列屏直者如立竹峭壁響飛泉靈源深蘊蓄積雪从成銀石乳結爲菊草木無秋冬元氣長肅穆內洞閉龍宮人間見天竺會須謝世緣披襟此往復古時人已



去題壁詩誰續轉瞬百年期萬事安能足渴嚼苦瓜根饑餐  
甜菌肉就中趣味真可以慰幽獨仙丹古難尋仙境今我屬  
君情知如何我身尙未卜惆悵忽如癡夜就山僧宿夢與採  
芝翁高歌遊仙曲

小桃樹嶺途中口占

邑人胡鋪桐門

城南二十里客路此經過山勢堆青嶂溪光縵綠波鵲營高  
樹喜人傍小橋歌邨店黃梁熟桃源竟若何

曉渡南厓

征鞍載夢走江頭隔岸山峯半出樓松影參天雲氣重霜花  
滿地月光浮巖城柝響催殘漏蕭寺鐘聲送小舟伴我遠行

義甯州志

卷三十五

藝文志詩

三五

惟老僕長歌一曲付東流

過山谷墓

邑人余承烈介亭

流離幾度竄窮邦節概嶙峋未肯降遍訪詞翰到南渡別開  
詩派衍西江蘇門四子賢誰並艾邑千秋井自雙石獸雖存  
龍虎逝釣魚臺下水淙淙

六月十二日有持舊抄山谷內集注本來者鄱陽許尹序  
及目錄題下注脚二頁皆在馬亟錄之詩以誌喜

學使

翁方綱覃溪

黃集無足本到今三百年

明宏治刻本已闕

詩譜繫於史非曰無鄭

箋茲集非仿毛亦弗傳流牽上言君父倫大義何炳然下及

漢以來作者數聯翩終於杜手取又不以言詮如我意中事  
往泊橫浦船鬱孤氣崔巍飛翠下層巔大江浩揚靈孰可拈

於前十載無質處萬卷極丹鉛昨者官庫本欲獲三注全在

史容季温分甯出新刻譜移舊編此事當聚合不徒文字緣忠

孝盖天性其氣必開先塞乎天地間攝之鯢桓淵蠹簡有餘

積昨夢屢回旋焉得南陔刊誰續寶劍篇是日公生日神實

式憑焉乙未滂乙酉人才曠接連七百三十載過眼驚雲烟

中間任史輩附驥名以傳同時得後山南豐實先鞭亦如江

梅詠益歎坡公賢昔人非好諛斯道乃仔肩區區詩派圖紫

微苦雕鐫觀此兩葉註可以眾說蠲徘徊公像旁再拜何由

義甯州志

卷三十五

藝文志詩

美

宣精神不於紙亦不於山川小几爐炷香篆鏤蒸絲絲晚來  
大風雨忽作山響泉

六月十二日山谷先生生日拜像賦詩用乙未題正集韻

敬讐三集注於今十二年鄙人無能役敢擬任史箋顧慙茲

辰逢每勞舊夢牽甲辰六月十二日自熱河歸於密雲旅舍  
夢先生其時正三集注本殿版告成也

高閣上摘星雲氣縷縷然髣髴大石出隱映霞裙翩躚來尋

文字自笑涉言詮異哉觀瀑圖落我江西船疇昔津逮意陟

遐敢窺巔分明撥鐙書送筆卓我前惚恍中有物非相非丹

鉛逐境漸挹取稍稍測其全矧以胸次貯不關籐笈編空濛

澹以仁艱哉若延緣盖以真實義超出象物先質厚爲之本

萬派洄一淵風騷萬萬古力挽大海旋杜老衡霍語歐陽匡  
廬篇今我曷克任稽首神弔焉十笏蘇齋筵兩公像接連雙  
井居况邇憑此辨香烟西江讀書種心印儻獲傳玉京鶴先  
導金華羊後鞭先生井里側不少篤生賢區區匠石手勉勉  
佛時肩得借牖知覺敢不勤琢鐫故於公生日卜爾齋吉蠲  
拜疏每殘臘茲意曩未宣神光皖公來千里合章川一點墨  
池雲蒸作堦羅絲借問眾山響孰辨筆與泉

送定番李侯之任分甯並裝南昌使院補刻七佛偈識語  
俾奉挂於文節祠中

三年匡廬面半榻谷園宿不及君此行直造修水屋匡廬印

義甯州志

卷三十五

藝文志詩

七

皖山何減石牛谷瀑源聲不喧耶舍偈堪讀爾時扶護歸一  
歡寒臘粥鶴銘書未殘鹿皮盟寶續媿未持此意來廬寒泉  
鞠逞者於黔中寓意借明叔見道頌重拈真實義三復君自  
黔山來惠此分甯牧殘珪補玉烟盟手寄新軸未知古爲師  
奚以厚所蓄爲我堂几間敬致辨香告真氣感江山風雨響  
梧竹經術卽循良何區一私淑因之語達泉谷園共著錄

重校黃詩有感四首

拜像焚香十二年又尋舊夢到江船摩挲雙井重鏡本寤寐  
鄱陽一序前玉父子畊文並在青神天社譜誰先知人論世  
千秋事只是難追史會編

紫氣風迴大海瀾誰知古井不生湍障川浩浩俱東注返景  
時時得內觀絕利一源憑戰勝默存萬象入寬安龐公吸處  
尋初祖正自閒中着力難

新津妙悟本拈花薌室燈光自世家笛鶴幾年驂玉局石羊  
他日叱金華爐成九轉丹留火江折三紋篆印沙昨剔劈窠  
書偈子一峰廬阜倚殘霞

摩圍返棹卽鄉關皖口清迴一氣環中有性情皆學問後來  
靈秀祝江山辨香日日如親炙握槩區區實汗顏悵望南州  
翹傑士船窻杳靄碧雲間

題黃文節公石刻像後

有序

大司成法式善

梧門柏山

義甯州志

卷三十五

藝文志詩

天

嘉慶庚申十二月十九日蘇齋拜東坡公生日適得黃小  
松扎以蘇像冊屬撫文節像坐中高玉階摹寄翁覃溪先  
生書公自贊似僧有髮似俗無塵作夢中夢見身外身四  
語於後小松勒石徵詩

蘇齋前歲拜坡公雍容壁上瞻涪翁刺史書來索翁像高生  
寫出神采王寒巖鐫字題欵詳涪翁精氣山同長紙光墨影  
起寒綠燈下摩挲遠懷觸翁昔橐筆偕坡仙玉堂儔侶劄三  
年端明學士忽出守翁亦倉皇江上走蘇公儋州翁黔州題  
詩各寫生平憂轉瞬已逾七百載同堂二老風流在明月忽  
破松陰來清磬一聲梅花開山僧一瓢清酒薦身外有身苦

不見翁今真箇夢中人衣冠濯濯秋無塵白雲畢竟歸何處  
我欲從翁看雲去

詩龕題黃山谷像

公嘗自題像謂是有髮僧將以不二法而參無上乘世却傳  
公貌宛然王右丞

陳請述懷詩並序

知州 宋調元 元和

鷗本愛閒鷓常甘退聊因捧檄三千里外浮蹤肯信投  
竿十二年前夙志客留竹閣每說看山衙退莎庭時還  
引水考自書夫下下曾塵報最之章形長役以勞勞莫  
避妨賢之路無何盃停潦倒味厭酸辛斑點點之鬢毛

義甯州志

卷三十五

藝文志詩

无

愁同騎省緩垂垂之衣帶病甚東陽直爲嬰疴繫念偏  
關陟屺還當負米陳詞敢附循陔重經短簿釐祠再指  
長洲古苑甯同張椽萌秋思以歸來詎以王郎澹宦情  
於事去嗟予痼疾剩有文章託我生涯惟宜杞菊爭美  
知還倦鳥恰成傍母雛鳧含意旣申有懷斯吐

家有安仁舊版輿我行端不爲鱸魚專州敢久妨賢路百病纔  
能返敝廬蹙輟力葵歡負米閒依秋樹好觀書扁舟已儻菰蒲  
外準待江平進所如

飄零踪跡鬢先知秋雨秋風動客思請急正逢歸燕後言旋猶  
及采蓴時家臨綠水長洲苑路指青山短簿祠檢點寒衣珍舊

製十年前已恐遲遲

芙蓉江路穩颿檣恰趁西風返故鄉千疊翠屏遮客住八旬鳩  
杖倚間望陳詞敢附循陔義引疾聊娛愛日長誤落塵中真想  
在此身慙綴大夫行

極目高天豁遠襟送歸山水入芝臨蒹葭拂浪渾如雪橘柚垂  
煙欲化金此去弟兄欣聚首平生師友最關心謾言家法悲秋  
慣江路曾諳足賞尋

頻仰何須問舊因榮名祇是實之賓閒栽竹木非棠蔭取別溪  
山似故人愛日最憐縈客夢秋風遮莫上吟身吸來不盡西江  
水衍作長波送涸鱗

義甯州志

卷三十五

藝文志詩

三

媿無遺愛到留鞭誰散秋聲入管絃政拙自甘書下下官貧人  
謂腹便便手栽柳折三千里天際舟歸十二年多謝更申騎竹  
約溪山肯信有深緣

游釣姑蘇舊有臺布帆今始爲予開光風霽月蓮池晚落木澄  
江茗椀催艾國茫茫回首失吳雲藹藹盪胸來歸心都付榜人  
手欸乃一聲亦快哉

棋局誰言中不平吾心本與菊松盟登封莫展駑駘力返哺難  
回烏鳥情憶昔停盃渾似醉祇今覓句便含清君恩誠重母  
年老任笑歸舟一葉輕

歸路何須載酒從本無磊塊在吾胷洞庭波起葉初下鴻雁信

來霜正濃僑札應通新編紉孟韓定合舊雲龍青鞋布鞵平生願此後山光不負儂

風中礎杵月中機賦就歸來事已非二十年前茶共苦三千里外雉朝飛無由得到稠桑驛可忍重褰貼繡幃稻熟向誰謀飭膳堃塘獨釣錦鱗肥

中歲抽身正復佳我行那惜費安排三刀渺渺前虛夢十畝閑閑从病懷寒至親爲縫綵服客來女自拔荆釵先歸况有吹簫者夜雨聯床願已諧

因病陳情得賜環北堂髮白舞衣斑鷓如有會從知退鷗自忘機合就閒月裏年年森桂樹雲中處處吐秋山采葑溪渚水初

義甯州志

卷三十五

藝文志詩

三

落指點柴門舊掩關

登靈石峯寺

熊高福

雪研

巨靈汝何物底事窮幽鑿並馬行三里高人到半天谿衍羣揖讓咳唾落雲煙坐石分題罷悠然我欲仙

又

汪軼

魚亭

孤峯凌碧落造物費雕鐫僧帶鳥歸洞客隨雲到天上方懸水月下界卧邨煙俯仰聞高詠其間有謫仙

又

熊高甯

墨顏

壁立亘千古峯腰嶮若鐫閒雲迷奧洞遊客語高天虹影橫溪水鳥聲出暮煙睥睨千仞上採藥問神仙

又

熊高蕃 月舫

攜手梯雲上層岷見鑿鑿一峯孤拔地全輩共登天石室扇  
丹白芒屨踏碧煙低徊吟咏久有意待飛仙

又

熊高衍 楓麓

鬼斧勞劊削神工苦斲鑄高標如插海獨立可擎天人躡干  
層磴風飄一線煙瀛洲遙在望 時得蔣心餘舍人捷音 却喜近吟仙

又

王金英 澹人

未識奇山面新詩許共鑄玲瓏成嶂峪身世幻雲煙托足臨  
無地搔頭可問天夜來清露警化鶴有真仙

又

熊中泰 舒亭

義甯州志

卷三十五

藝文志詩

三

長空飛鳥盡天外見歸僧細草埋雲磴奔泉下石稜乾坤雙  
白眼身世一朱藤夜靜疎鐘裏秋寒佛閣燈

又

金墉 嘯鐵

絕頂捫蘿上丹梯復幾盤浮雲無住着碧落只高寒風雨山  
腰度星辰杖底看料應今夜月有路到天壇

次韻山谷清水巖詩

邑人萬承風 和圃

巨靈剖山腹便便極精好造設想盤媧歲月無稽考枵然當  
谷口龍門乃天竈鐘鼓發清越俗韻從茲掃

巖泉混混清巖樹亭亭好有本者如斯此理宜參考雪堆種  
玉田雲封煮藥竈至今石上塵誰為讀書掃



南巖極高明北巖更靜好人每軒輊之或者未經考隱見各有宜誰奧而誰竈幽窟倘能尋不憚燃炬掃

躡屐時一來吟詩艱得好拂石尋舊題剝落半可考山籟度青林炊烟生晚竈何年爲閉關就中長却掃

冬日消寒會以山谷銅雀瓦硯索題諸公皆有長句用次

胡雪蕉水部韻答謝

諸公藻思豔於霞千片乃能題我山谷先生之舊硯詞源浩淼湧風泉句法堅凝歸冶鍊此物沉晦幾何時今日復爲開生面晴窗展硯讀新詩墨花文采交相絢自非有筆大如椽坐令陶泓失紀傳先生平生鍊石心百折不回恒苦吟君不

義甯州志

卷三十五

藝文志詩

三

見當年竄逐嘆漂淪進食誰復哀王孫襍被倉皇走棘道更冒瘴癘投海濱任運堂前餘槁木喧寂齋中無故人熒熒一身饑且死焚香晏坐看行雲信史詎誣祖宗烈塔記乃忤燕

雀羣文字賈禍如此極交遊驚駭泪欲吞何如先生胸中有

浩氣寄意手寫東都文

先生在宜州嘗爲人寫孟博傳蓋以自况也

三徙流離十

一載

先生五十一歲謫黔州六十一歲歿宜州貶所始自黔戎終嶺海未知了身萬

里時此時此瓦竟安在當其得志侍紫霄揮毫直欲驅元宰

案頭日日磨松烟蠻溪大硯無光采

先生有蠻溪大硯磨松烟之句只今載

讀先生詩餽贈更有少監詞

先生集有次韻李之純少監惠硯詩

水蒼珪玉道

人刻寶法聞自外家貽

集中有和公擇舅氏送呂道人硯長韻詩

萬州金崖尤奇

特桂林剝腹便攜持

集中有金崖硯說  
儋州桂林石硯說

凡此皆爲先生几席

珍奚囊到處喜相隨胡爲一朝俱零落化作浮槎舞蛟螭獨

留此瓦未磨滅至今濡染浮輕漪兵燹頻仍六十紀王者幾

人研喻糜其間英才亦輩出何乃未聞一洩其精奇從知顯

晦有定數此恥終當湔滌之今日硯爲賤子有喜以名齋意

孔厚

余得硯因有  
古瓦山房額

摩挲欲洗此君顏潤色特委諸公手維時

皓月照空梁啟積高歌共舉觴憶昔元祐開皇極中天坡谷

兩擅場後生豈敢阿所好竊附漁洋一炷香

漁洋山人有辦  
香只下涪翁拜

宗派西江第  
幾人之句

顧予闇劣癡且狂緬懷桑梓欣同方哲人雖往

手澤長何異合浦還夜光置之篋笥騰寒芒願將清話續玉

義甯州志

卷三十五

藝文志詩

三

堂嗚呼願將清話續玉堂安得有如先生瑰瑋絕妙之文章

題沈石田評硯圖卽用題中自題莫斫銅雀硯歌原韻

溺情子墨非好弄一甃珍與百朋重陶模况勒建安年猶令

後世知漢統片瓦流傳春復秋誰其圖者明沈周

重華拜

賜親捧出張壁灑我寒陋羞山房舊有涪翁硯省圖似識故侯

面詩題莫斫義寶嚴存之忽惹阿瞞怨三臺歌舞信不臣跡

非在瓦乃在人瓦兮瓦兮汝無罪寶茲完璧母使碎

是圖爲 丙府物嘉慶丙寅新正四日

重華宮聯句承風黍與佳宴特蒙

賞賚拜

賜諦觀筆致閑雅詩歌尤峭拔有奇氣自為石田真蹟承  
風廿年前曾得山谷瓦硯喜而名齋並拓本為記質之當  
時賢達多有題詠茲復得此幀互相照映荷新恩之優渥  
增舊物之光輝敢不什襲珍藏永為山房世寶因勉和圖  
中長歌一首用誌翰墨之緣以寓感激欣幸之忱云

臨沼關懷古

雉堞崔巍古沼州水清沙白繞關流當年賢守王文叔姓字  
惟從斷壁留余有山峇銅雀硯跋云艾城王文叔為沼州守  
時所得而分甯志不載王文叔姓名爵里其缺  
漏如

義甯州志

卷三十五

藝文志詩

三

登靈石峰

邑人 榮錫楷 魯嶠

造物揮神斧雲根巧劈鐫巖空僧結寺壁峭客登天樹色縈  
嵐翠鐘聲破暮烟怪他香火盛知有法華仙

烏石溪橋

十里清流碧平鋪雁齒齊鶴汀開一面晶鏡夾雙溪望遠山  
如畫吟來柱欲題捲簾新翠擁人在柳橋西

旌陽得日觀懷古

一峰高聳暮烟蒼絕頂空留古道場雨洗仙壇丹竈冷風銷  
石靖劍池荒攀蘿日落孤筇外掃徑雲生萬壑傍惟愛濂溪  
光霽好遺踪猶說許旌陽

過上坑嶺值雪時丙午三月三日

鳥道高從絕頂盤片時風送雪漫漫天邊絮舞春三月樹裏  
花堆玉一團古寺爐烟當午靜空山雲氣逼人寒艾城咫尺  
誰修禊料得流觴曲水難

重陽日偕邑人士登南山厓訪古塔基

知州陸模孫遠亭婁水

翠微層疊鎖修江石上濤聲雪捲瀧城郭千家環欲抱風烟  
百里鬱難降可無巨麗占形勝應藉觀瞻壯大邦地運人文  
兩相值會看霄漢湧高幢

下車雅志樹風聲揚激須分濁與清欲以廢興為己任敢言

義甯州志卷三十五藝文志詩

三

動作合民情後車未有賓朋載出郭欣看父老迎漫詔登高  
能作賦九秋雲物莫空橫

寂寞山河閱宋唐尊前感慨起蒼茫雁飛誰聽摩訶薩梵志昔有

伽藍依小乘食三淨食者雁憤鹿也一日見雁飛輒曰眾僧  
闕官摩訶薩埵宜如華言好施也一雁應聲而墮眾曰此雁  
垂戒宜旌彼意因建塔  
痊雁雁塔之名由此  
鈴語難聞替戾岡晉書云劉曜將攻  
洛陽石勒將救之  
佛圖澄曰相輪鈴音云秀支替戾岡  
僕谷劬秃當言軍出當得劉曜也四面晴峰開亥市百年

佳節屬重陽摩挲一片平臺石影現金繩百尺長

輿論先從士論孚簪裾陌上競來趨空巖列坐停樵牧深院  
傳觴入畫圖五色文章騰彩鳳雙清心蹟映冰壺諸公相與  
搜風雅共闢陽春調不孤

過澗水宿梅溪別業

知州 賀維錦撫雲丹陽

攬轡來從古艾邦山川清響玉琤琮龍峰西峙開吳甸澗水南流入楚江似掌原田雲覆壠等身書史月臨窗梅溪竟夕

評花事隔里僧鐘繞夢撞

詩朝擬遊黃龍寺

癸亥重陽日陪陸刺史遠亭及諸同志議修文峰塔宴集

南厓次學正黃對華原韻

邑人 查承瑛澹軒

文星與德星一氣光聯屬九日登南厓羣賢鏘佩玉旋憶去年春尋幽到空谷指點古塔基宛在山之麓文峰插其巔崢嶸雲漢觸靈秀毓前哲屈指難更僕風雨摧何年荆榛披繁縟吊古發浩歌滿山紅躑躅抵今議重修雲龍上下逐秋色

義甯州志

卷三十五

藝文志詩

三

蒼然來香風起巖菊登陟倚山隈川原紆駭矚層巒四面開烟靄洗晴旭塔位宜巽方高拱收全局拈南從此定山靈宛相告仰惟陸浚儀勤民清案牘宴飲溪山樓劇談掃煩促夾道護藤蘿菁葱映棫樸多士慶栽培大雅歸陶淑同寅盡協恭佐理昭雍穆咳唾珠玉飛盛事振頽俗仁看宰堵坡天半雲章續人文觀化成光凌鄴侯軸

山谷釣臺

閒却經綸手崖前理釣鈎浮沉空世網得失付波流斷岸殘碑在長江皓月留先生非隱者底事戀滄洲

旌陽劍池

西江思禹德忠孝老神仙仗劍磨秋水擒蛟化白蓮青虹光  
不斷碧澗影相牽永憶旌陽令靈真蹟儼然

黃龍法窟

純陽曾變幻禪窟啟三關參透黃龍法願求寶劍還靈源源  
水曲亭桂桂花斑一鶴凌秋碧瓊田紫氣環

送州司馬楊蔭軒陞任鶴峰州

分甯佐化久稱賢臺府交章薦特遷橐筆春風移楚地懷人  
湘水隔吳天庭留花木棠遺蔭興寄溪山玉化烟從此琴堂  
虛絳帳忍看騎鶴下滸川

遊清水巖和山谷先生韻

邑人李際春梅窗

義甯州志

卷三十五

藝文志詩

三

吾聞天下勝造化鑪錘好千年瑤筍茁試從瓊笈考滄桑幾  
變更劫灰留仙竈重當躡謝屐蒼蘚不待掃  
靈巖如覆盃來遊果明好玉田誰與畊石鼓誰與考一滴汲  
清泉雲腴烹丹竈細和涪翁詩俗氛從茲掃

祥雲山瀑布

峯高六月寒飛瀑瀉雲端浪打花千疊波翻雪一團松鱗磨  
玉爪珠影走冰盤呪得龍歸鉢山僧法海安

修水行爲李虛岷刺史賦

進士

王

模

仁圃  
金鑑

榜人且弭節祖席且停觴使君修水去爲歌修水行修水六  
百六川路一何長沔源發吳艾分流入楚湘東連昌邑國西

接羅子鄉查田鱸其脅上綠搯其吭封疆殊險濶藪澤氣蒼  
蒼龍湫合風雨溫泉劇熱湯川留郭璞識山記葛洪章侍中  
開風俗太史靖邊防名士黃魯直仙人許旌陽詩演紫微派  
丹傳大洞方先賢知有錄方物志難詳邨烟環亥市城郭占  
坪岡支支收稅富井井汲泉香有茶高日鑄有花雜都梁林  
棲連理瑞野播瓊田芳妖氛掃牛吼災祲變儻航民風最淳  
厚民氣自樂康况聞使君化洋溢在盱江盱江與修水一葦  
尚可抗修水長無極謳吟總未央

抱子崖歌

修江自東注而我獨西來遙見一片石言是抱子崖大者如

義甯州志

卷三十五

藝文志詩

三

老姆其小若嬰孩俯仰相偎傍若吮乳在懷誕置修水上依  
稀得形骸飄風野火不能泐流沙息壤不能埋行人指點空  
悵望山靈擁護亦奇哉我來初生魄維舟在崖側憑眺思渺  
茫懷古意交迫聞昔望夫山又有開母石石破自北方生子  
於陽翟石真能生子此理安可格區區抱子崖並非有血脉  
想是女媧煉五色補蒼天零落人間變化多奇跡遂遣頑石  
作女岐不用牛即當七夕虛谷元牝相網緼萬有同胞共生  
息天漿爲乳泉爲臍到今石崖多津液吁嗟崖石將奈何古  
來鑿死混沌多爾乃變形爲山鬼披薜荔兮帶女蘿旣不含  
睇又不笑但見雙手跣抱兒腰相撫摩倒影在清波一抹鏡

新磨紅顏已宣髮終古蹙雙蛾風雨其晦日月如梭誰爲爾  
泣誰爲爾歌我欲憑雲梯躡虹登摩苔剔蘚箋烏書蝌云是  
汝上老人來借爾作韓陵一片石千秋此山阿

甯州八咏

吳公子慶忌

越王勾踐沼吳時公子出亡正在茲宰嚭未曾膏屬鏤靈胥

先已草鴟夷滿腔熱血憑誰灑一綫英風儘獨吹莫向查田

頻弔望

路史注云查田即古艾邑

里人枉欲殺要離

吳有兩慶忌要離所刺乃王僚子在前

楚三閭大夫屈原

欲問離騷事若何黃龍山下有餘波

汨羅水源出此

招魂氣已沉湘

義甯州志

卷三十五

藝文志詩

早

沅競渡聲還過汨羅路接平江桑梓近風移清水蕙蘭多投  
書弔纍憑揚賈痛飲惟應讀九歌

漢劉侍中陵

廟貌千秋屬侍中南州人傑幾稱雄莫誇獨坐鄧馮翊尙許  
干城何仲弓水自東流多間氣鄉從西去有餘風當年未解

陳蕃榻獨闢蠶叢路已通

侍中和帝時人在孺子前

吳都尉太史慈

將軍義勇鳴三國保障屹然鎮此方幕阜營高窺赤壁上條  
壘固接柴桑景昇豚犬徒奔走孟德虎狼且歛藏千載英靈  
原不死至今樵採絕沙場

通志載墓在建昌縣



晉西安令吳猛

旌陽已獨踞仙壇折節還傳大洞丹江水濤深羽扇溼石梁  
澗險玉漿寒神明信爾由忠孝藝術居然上史官好問東津  
尋舊宅地有丹霞觀庭幃温清想承歡為猛舊宅

宋周元公

洙泗淵源沂孔顏濂溪一脉更潺潺暫留鴻爪非無處小試  
牛刀在此間太極圖開天地秘通書道演聖賢關猶將霽月  
光風意一任紫陽與象山朱子不肯為人作此四字象山書之云人人有此光風霽月

宋黃文節公

由來江夏無雙士又作南州第一家氣節有官皆坎壈文章

義甯州志

卷三十五

藝文志詩

聖

何句不精華徐洪並出誰高足

四洪徐俯皆山谷甥

觀耒同門悉後車

還把菁英分草木爭傳雙井白毫茶

宋徐尙書俯

當口僉邪皆誤國先生奮髯叱長奴一門忠節憑孤立千載  
綱常賴力扶直道原來師柳下師川詩直道廢幾師柳下不應四海獨詩名高風  
久已屬東湖詩名四海猶餘事也入紫薇宗派圖

清水巖次山谷韻

州學

黃文燦

對華臨川

清水關靈巖萬吻一詞好開鑿自何年其事弗深考曠奧天  
造奇真仙丹埋竈一時乘興來巖扉風已掃

銅鼓城

石壁參差面面奇將軍橫梁漫留題墨鏡山骨雲凝篆劍閃  
靈光玉切泥不爲岐陽留獵碣豈緣諸葛聽軍輦健兒無數  
調鷹犬落日山腰更射麋

雨中舟過抱子石

石如仙子凌波出人逐秋鴻帶雨來卿若有情應笑我阿娘  
前度倒綳孩

鳳巘朝陽

州訓導 王朝瑞式臺萬年

苞鳳儀修水丹霞繞霽晨半空巒影矗五色曙光勻楚尾聯  
芳甸吳味報早春鷓鴣齊振翼彩煥十分新

犀津夜月

義甯州志

卷三十五

藝文志詩

望

山光搖淨練晃朗結層水豈有靈犀照而兼結魄激涵秋波  
瀲灩蕩壁影飛騰更愛輕帆渡星梭織一稜

濂溪書院

從師猶宦學風月喜公同窻草含生意池蓮妙化工孔顏尋  
樂處心性畫圖中長幸宮牆近薪傳在洛東

山谷釣臺

溪吟初醉後兀坐且垂鈎笠釣傳雙井詩名播九州半灣明  
月棹一角荻花洲竿拂珊瑚樹凭虛好放眸

清水巖

邑人 陳懋敬止臣

書臺闢星牖仙巖戶不扇雪田含乳白石筍挂苔青清泉閔

激戶雜花初滿亭我欲問詩派千古水泠泠

犀津渡口

舊是犀牛渡津衢偶得名千艘橫極浦四水合州城沙帶金星燦波涵石月熒巍然太史第遺跡尚分明

梅山寺

邑人張問行撰

一峯佳勝處上結古招提院僻風鈴語山空梵唄迷梅花開曲徑楓葉落幽蹊烟外停雙屐苔痕覓舊題

丹霞觀

紫雲洞府吳仙宅尙有千年老豫章會讀晉書欽至孝真人原不外倫常

義甯州志

卷三十五

藝文志詩

聖

艾城官舍漫興

知州曾暉春撰

落花滿地放衙初簾影垂階散吏胥茗椀清分雙井水芸軒富擁百城書連窓燈火魚更靜繞院吟聲鶴夢舒十丈紅塵飛不到閉門權當子雲居

鳳巘朝暎排闥來碧梧修竹慰新栽十年樹木關心遠一縣看花苦意培過雨暗催梅子熟番風莫問海棠開左思紙價江淹筆射斗文光燭上台

衙齋傳舍寄閒身團聚槐柯亦夙因但使父書還可讀定知官橐不嫌貧馬憐齒老途能識蠶到聲喧筆有神一樣池塘青草夢瀛洲連轡又何人

詩禮親承手一編傳家片席是寒瓊蹉跎馬帳慵書日鹵莽  
螭坳射策年薄宦味真雞肋戀公庭訟息鼠牙穿袂歌匝地  
催耕起未敢芸田轉舍田

九日偕周雨亭刺史范潤齋司馬黃對華王式臺兩學博

登南崖

州判

李光珽

介山滇南

九日南崖歲一經七年前已寫丹青

予曾繪修江晚釣小照

琴彈山水

來仙吏筆掃風雲待酒星雅集詩章徵故事

壁有許刺史舊作

高懷

萸佩引遐齡

對華式臺俱年近古稀

相將撥石披雲上擬補峯巔舊日

亭

憑虛樓閣枕巖隈水檻晴窗四面開白雁初涵霜後影黃花

義甯州志

卷三十五

藝文志詩

器

共醉掌中杯雲封翰墨浩翁去

寺存順濟龍王廟碑

風送絃歌茂叔來

東門外濂溪書院可望見

更向蓮池看霽月

署有愛蓮池

招邀仙侶下瑤臺

龍潭

邑人

胡濬源乙燈

我聞炭谷龍湫遠在終南山唐時龍移天昏地黑一已艱不  
知何年數千里南來又復飛移到此間此間千丈深窅窳勝  
彼牛蹄一掬潺溪源自東怒西走雕鷹絕壁鎖重關上流白  
石束兩坎若井若甕若閘閑懸濤濺沫湧雹雪奔騰駛鬪湍  
迴環崖崩石破青山動電駭霆轟白日翻疑通尾閭穿地軸  
下引沸海相往還鮫人瑟縮不敢沒交祈跳躑不能攀魚鱉  
戢戢駢退伏儼如額點石梁灣登臨俯瞰毛髮豎慄慄有神

非陰姦龍潛其中睡長足穩抱驪珠氣接百千萬道晴虹斑  
有時蘊隆金石流鄉人乞雨殷禱求巫師投牒跪拜咒赤蛇  
黑龜紛出浮蒸蒸雲起漫空布頃刻滂沱四境周又時天開  
景清霽潭中濁浪高山邱瞥訝洗潭吁可怪垢污能自勤滌  
搜上有叢祠神一氣山川精靈獄瀆傳出雲降雨同功德奇  
勝豈徒誇玩遊吁嗟龍真宜王神宜帝呼吸感應皆民休詩  
成彷彿能吟和乍聽聲響出龍湫

次韻黃對華銅鼓城

一峯自裂狀神奇偶值將軍巧品題劈匪劍鋒原是筆靈疑  
山骨化成泥何須元凱峴峯碣已當武侯融水聲此石誰人

義甯州志

卷三十五

藝文志詩

望

能破的君其一失麗龜麕

是地疇曾切已饑曩聞昏墊急然眉如今犖學還腴壤每日  
菟苗逸健兒泖溼溫泉滌候館蒼葱新稼繞茅茨師儒有意  
關民瘼早媿東山挾妓時

抱子石

巖石甯曾解惠慈居然抱子立江湄天成保赤留真像敢告  
新來父母知

黃龍山

邑人

冷玉光

芝田

龍峯何岩巖西北亘吳楚桓山與之齊兩兩相毗輔南望青  
龍低東瞰艾城古瑞竹抽丹崖瓊草茁元圃種種上仙葯圖

經弗及數黃魚伏靈湫白晝致風雨歛然漫萬山郊原潤禾  
黍茫茫神仙窟丹成遺白杵礪深春積雪巖幽夏無暑霜巖  
百草枯野火驅貔虎山暈結茅屋上與懷葛伍會當躡鱗鬚  
攀蘿試延伫白雲起足下清風生卓午層巔探禹碑綠字証  
岫巒

古鐘歌

鼎澤雕鐘不可見豐山九耳亦希聞兩鑿尙傳鳧氏制金奏  
爲能感神人此鐘鑄成歷年久鍊金千鈞期不朽不窳不樞  
和於物大鳴小鳴隨所扣淒涼古屋塵土封寂寞空山沒瓊  
玖年來無人一拭拂遂令洪聲避甕缶何不縣之清廟明堂

義甯州志

卷三十五

藝文志詩

吳

間蒲牢大吼徹雲山嗶嗶厥聲和且平天子聽之一開顏虎  
章作鏤非所羨要將雅奏振人寰自從歲月淪此地鍾呂何  
惜尋常棄虞業不設縣楹檐碧玉浮金未爲貴古來貴賤亦  
何常高高下下唯所置君不聞龍泉太阿韞其實伊誰達識  
事幽討牛斗之間看紫氣夜夜寒芒騰蒼昊又不聞周宣石  
鼓史籀書鴻文應須大厦儲當其風雨遭摧剝牧童敲火牛  
礪角

牧童行

層山落日掩齋扉炎風侵我有餘威黃犢穿徑齧短草牧童  
相隨夜不歸却立路隅心痺暑科頭赤脚身無衣冷齋了無

事憇暑齋外坡借問牧牛兒生事能幾何我本結茅旌陽側  
終日扃門門無客阿兄鋤禾東郊東阿爺灌薯北山北去年  
番薯大如斗能供一家四五口今年番薯大如錐一月饗殮  
不可支五日天不雨草枯土燥牛無芻十日天不雨賣牛西  
鄰去了租爲聞此語意愴然此外疾苦未暇詰一州之大數  
萬家仰食諸蕚十之七鄙人搔首問蒼蒼思欲濟旱苦無術  
仰看雲漢案戶長繁星皎皎爛生光瞬息黑雲似墨起天半  
牧童緩歌騎牛過壠畔

濂山書院

兩賢講學斗山尊俎豆同堂道脉存北宋儒宗獨開闢西江

義甯州志

卷三十五

藝文志詩

七

詩派共淵源蓮華定不染泥滓梅實終然留本根唯有涪翁  
識光霽千秋臭味此中論

雙井懷古

明月灣前石磴斜山行迴繞水之涯邱播湯數棠梨落亭榭  
空教薜荔遮篁竹春生誰呪笋原泉秋注憶烹茶釣磯莫辨  
銀鈎字閒看溪邊鳥篆沙

抱子石

擁著嬰孩未肯離石形千載此河湄裙拖浪縠成三折髻挿  
山華任四時慈母如斯勤鬻子老娘安有倒紉兒尋常閱盡  
風霜苦要識貞心不轉移

五里坳望鷄鳴峯

邑人 查望洋 漁薈

連山森矛戟雄長環相爭天外一峯來化作天鷄鳴一鳴萬  
峰低再鳴萬峰驚如戰降肉袒如晉主夏盟銳如古弼頭筆  
公呼欲磨秀如蛾眉女犀潭鑑影清其下乳泉碧瀾茗浮花  
輕惜遺又新記思補鴻漸經往日隨樵子芒屨穿雲行羊腸  
屢迴轉鳥道紆縱橫有似著文家千曲無一平撫懷怡舊陟  
攬景回新情望望籃輿中江水隔盈盈

幕阜山懷古

黃龍之山如飛龍天矯蜿蜒蟠青空巨靈震怒擘左臂擲作  
撐天幕阜峰幕阜翠拔黃龍起俯瞰修江六百里脉接岷衡

義甯州志

卷三十五

藝文志詩

吳

走匡廬氣捲吳味掉楚尾聞昔神禹奠洪濤洞天銘刻比吾  
刀曰民艱哉藪蛇龍咨爾童律驅勤勞薤披蝟斗伏百怪至  
今夜夜山靈號字奇語奧同岫螻沐日浴月蒼厓高三千年  
後遺聞墜禦寇尙傳吳都尉二十四氣福德鄉嘉名付與葛  
洪記旌陽九轉煉神丹木客山都拜星壇芙蓉池厲斬蛟劍  
金鯉騰波淬劍寒我來正值清秋節芒屨上踏峯頭雪仙人  
洞尋海棠香紫清觀采瓊田潔樵風扶上繫舟峯杖底片片  
飛霞結兜羅綿裏望洞庭一杯湖光鏡澄徹此身不知有塵  
寰瑤草松花好注顏滙沙池邊一濯足掃壇竹子挑雲還欲  
搜奇書古獄瀆夕陽亂射西南山



文峯塔落成登絕頂放歌

八萬四千阿育塔誰移七級修江來明照四方離爲火光天  
燭地文華開經唐歷宋元明一千載今朝突兀見此小蓬萊  
我來御風凌絕頂萬峯俯視嬉嬰孩尻車神馬馳八極嘯聲  
一落驚春雷大羅天外摩巨刃摘取繁星佐金罍飛身偶欲  
驂鸞去上界羣仙拍手哈儒生意氣冲霄漢不封萬戶終廢  
材披靈摺秀仗人力此事頗覺費疑猜博攷朱彧可談徐筠  
志郢書燕說理難推或云題名肇雁塔或云現影應葭灰我  
意不如讀破萬卷揮神筆峩峩山斗人低徊氣吐虹霓發奇  
采光芒直奪文昌魁轉憶積銖累黍日經營慘淡均雄才此

義甯州志

卷三十五

藝文志詩

晁

峯要勝龍文鼎力扶運會挽衰頽邱陵學山爭一簣默毓潛  
鍾養靈胎四十門蟠鈴替戾鵬程九萬接崔嵬登陟聯翩蟻  
旋磨熙熙歌笑臨春臺擬把文峯作筆天作紙二十八宿雜  
披錦文回

乙酉中春乞假歸省漫成六律留別艾城諸同志

知州

曾暉春

霽峯

簿書堆裏乞閒身飯熟黃粱悟夙因芻牧幾人能報國漁  
樵有伴合爲鄰官堦蹭蹬功名薄世事艱難骨肉親無好田  
園且歸去故山松菊一門春

板輿曾奉畫堂前怕見連朝訟牘懸

太宜人以會昌訟多歸里

隔幔訓先

防吏酷掛冠心早望兒賢茅廚烟冷雞誰設范甌塵多鮮不  
鮮指點榕陰認親舍朝衣怎似綵衣妍

出山泉憶在山清井水銘心證舊盟角勝枉拚盧雉戲息機  
从淡觸蠻爭難低董項強猶昔已老陶腰折不輕擬向九華  
築精舍免持手版謁公卿

回首霓裳廿四年衣香還傍五雲邊文章無價翻投筆富貴

勞人浪執鞭儘日襄陽看作郡當時勾漏悔求仙蘭臺著述

承家願老我江湖博醉眠

時海兒充功  
臣館纂修

衙齋任从客如家處處痕留雪爪斜別意綠侵沿岸柳關心  
紅到滿城花是非自仗平情論詛呪何妨信口加却記焚香

義甯州志

卷三十五

藝文志詩

五

清夜課了無寸牒擾桑麻

南轡印紙入承明赤緊頻馳上考名已濫齊竽參末座且完  
趙璧敵連城賓筵蘭臭三生在宦轍萍踪一夢縈此後循陔  
望顏色海雲江月不勝情

九日同查瞻濟何惺吾弟瞻麓醉南崖歌

邑人  
彭承恩  
葵門

鼉雨豚風巨靈吼千山萬山亂奔走拔起南崖入雲端海濶  
天空好回首須縱酒莫將豪氣冲牛斗滿腹詩書皆芻狗君  
不見戲馬臺上風瀟瀟又不見滕王閣下水迢迢功名富貴  
本兒戲何如痛快索糕字查子高歌動鬼神敵者何郎與吾

第酒氣沸沸楮墨間誦之向天天亦醉一鈎新月六鰲沉薛  
荔拖霞徐徐墜四顧依舊厖屨限虎落秋色難放眼撫掌蒲  
橋送陶潛拍手釣磯別山簡我本天地一酒狂不信鬼殺費  
長房獨騎洞底老龍去百年三萬六千之日總重陽

貞女周緒英歌

邑人 查望洋 漁贊

甲辰午月雨不歇天又傾崩地又裂誰知烈女魂飛騰西歸  
要把佛緣結佛緣結往普陀山觀音接引喜開顏道爾前身  
是龍女試將貞性表塵寰塵寰擾擾皆苦海紛塗都從名利  
走自保蓮花不染身清香冉冉冲星斗胸羅星斗手拈花朝  
朝念佛數恒沙爺娘誤聽冰人圍要我粧飾嫁朱家朱家姑

義甯州志

卷三十五

藝文志詩

三

婷我姪女派行顛倒太無禮禮義廉恥國四維問向爺娘默  
無語女願貞守甘窮困族門聞喜捐贍租女又激勸更精修  
誦佛談元夢十洲心皈四偈三千界身寄五重十二樓心身  
自鍊還丹藥三十三齡迎仙鶴趁得端陽訪女嬃笑向汨羅  
還歸洛洛神微步緩凌波采迓龍宮共嘯歌那識阿娘情莫  
捨弟兄嫂婦泣滂沱寄語阿娘弟兄嫂未報深恩離煩惱留  
我貞性挽澆風曇花一現歸蓬島

讀黃文節公集

邑人 萬承德 陔園

公書如寶劍出匣公文如飛流倒峽詩派爲西江之冠躬行  
爲士林之法蓋棺以後尙論真讀其書者知其人東坡如生

公不死介節稜稜泣鬼神初仕三金尉葉縣按鬪舞陽政無  
倦太和親書戒石銘痼瘕在抱彩毫絢中間際遇都軫軻館  
閣六載勤編摩竄逐艱難少暇日戎涪黔宜潛消磨公之正  
氣殊浩浩投床大軒絕煩惱儼舍南樓隣屠沽義命自安樂  
吾道嗚呼羣儉網羅元祐碑禍之乃所以福之到今七百有  
餘歲春秋俎豆休光垂

南崖文峯塔落成次黃對華學博原韻

我從南崖來仰看勢如湧同人集峯巔末座叨陪奉共喜觀  
厥成豪飲毛髮動捐金善其後先簿執其總回憶經始初舊  
基廢爲塚舊基旁有易姓墳至是始議遷去一一清其源南岡轉北隴巽位

義甯州志

卷三十五

藝文志詩

三

州之東習吉龜鑽孔由尺倍尋常層累賈餘勇法合都料經  
價比尺璧重巍巍柱擎天若有神麻擁山靈重生色來觀者  
接踵僉謂好義速不煩官長董徘徊心境空歌詩稱克鞏歌  
罷舉頭望孤頂正修聳

奮襜登其上嵐光四面通虛中靜穆穆象外雲濛濛放開眼  
界濶突兀撐青空連山迤邐來俯首拜下風蒼然浩氣舉天  
地所特鍾靈變起倏忽奇崛如鬼工此境不易得此景誰能  
同欲倩繪事者筆妙米南宮近勢瞰城郭遠勢摩蒼穹人事  
補缺陷千載有奇逢羣抱用世畧清時亮天功江夏無雙  
士絕技擅屠龍官冷心常靜培文情何濃高吟動山岳觸我

意無窮

甲辰季秋卸義甯篆留別士民

署州 蔣啟敷 桂林人

龍岡鳳巘鬱嵯峨修江迤邐清不波巖泉淑氣孕靈秀文章  
經濟傳人多我來江右逾廿載夙聞勝地今經過時維暮春  
倏捧檄琴裝料理循坡陀巉巖鳥道穿雲出天梯直上蒼穹  
摩度毛竹嶺峻絕川平山開城郭現滌洞素練環青螺地形僻險當  
世隔土沃民樸俗無頗下車之始案塵積以勤補拙蠲煩苛  
雀鼠漸稀訟庭靜與民無擾民氣和有時籃輿入鄉里原隰  
綺錯披煙蘿人無游惰地利闢徧野桑麻雜黍禾碧玉千叢  
展鳳爪飽摘雲腴手競搓邑產茶製茶者以手搓授之萬峯嵐翠繞邨落

義甯州志

卷三十五

藝文志詩

三

桃源雞犬安樂窩當年涪翁有遺蹟江干憑弔碩人邁城西二十

里黃山谷先生故居釣磯雙井字瘦硬揭殘墨寶欣摩挲山  
予數以公事過其地所書釣磯雙井及他墨刻數種邑紳多以見惠西江派盛流風遠至今人士爭磋磨

旌陽山麓殿堂庶羣材濟濟工吟哦臯比坐擁推宿學廿年

桃李鬢已皤山長龔蘆塢年六旬餘予戊子秋闈分校所得士公餘烹茶入試院衡

文老眼真無訛予課士時與蘆塢竟日談藝春風化雨育英俊會見聯翩

掇甲科嗟予攝官已半載隙駒迅度如擲梭民風士習兩無

補青衫退食慙委蛇叶唐何反竭來瓜期屆鞠節崢嶸綽楔輝庭

柯邑人士懸額公堂志頌此邦人士意良厚相期努力無蹉跎章門去

去惜離別暮雲回首空山河雪泥鴻爪古所嘆一篇珍重酬

驪歌

天馬山

邑人 陳爾烈 做舍

房星夙降精竒特山靈毓蹠躐快行空不受鹽車服

遊清水巖

邑人 龔雲海 立軒

壯遊當作五嶽遊泛舟當泛五湖舟三尺童子何及此且任  
家山數春秋聞道湖山高萬級攬袂直凌絕頂立絕頂更結  
拈花亭拈花亭內遊客集有客爲我聚米山指點清水之南  
北兩仙巖昭然丹宮貝闕出神工鬼斧斫彎環我乃呼童脩  
雙鳥半江雪水泛輕桴行觴打破船頭甕蒲萄美酒一時無  
彭姑抱子招船泊離岸數步登身躍一水石橋架嶙峋兩壁

義甯州志

卷三十五

藝文志詩

五

峰巒森秀削解空小院出邨東竹檻松窗面面通十里輕裘  
兩背汗階前也納梅花風道人秉燭彈金粟引入岩南巨石  
曲石鐘石磬飛石撞讀書臺上拜山谷垂笋緣泉下硯池干  
態萬妍模寫足忽如牙旗玉傘雨道遮仙驄扶入白雲家金  
童舉手招舞鶴玉女飛觴泛桃花一時八仙都醉倒獨坐山  
前鬪流霞鬪罷流霞入岩北洞壑深深如漆黑中有雪田與  
雪山以火照之無異色接臂探足高復低幾人慄悚行不得  
猛然灼灼燦龍鱗一線天中漏日繩日繩倒掛金鈎上紛紛  
佳勝迎眸新旣喜厯盡洞天美更開小洞洞天裏我欲從此  
穿天去何人大書觀且止自扶向路出深洞洞口白雲封一

紙禪堂抖擻小袍襦苔泥沾濕仍青紫天下勝處是耶非高  
掛征帆一葉飛返照入江楓葉亂遊人宛在桃源歸

雷霽巖先生殉難詩有引

庶常徐謙白舫

青史艱難惟一死黃泉嗚咽幾完人卓哉

霽巖先生忠孝傳家義烈繼美獨見危而致命僉殺身以  
成仁可肅宮牆可馨俎豆可尊可拜可泣可歌可激頑懦  
之風可壯河山之色七尺朽而丹心不朽一坏乾而碧血  
難乾從茲信乘流芬儒林增重矣寶劍射牛斗之墟未識  
雷煥寒窗擱珊瑚之筆已老徐陵幸恕布鼓之狂聊代東  
芻之獻霜華未已風葉悽其先生解脫紅塵逍遙紫府

義甯州志

卷三十五

藝文志詩

畫

亦念否眾生火宅孤叟滄江耶嗚呼噓虹正氣騰文山夫  
復奚憾驂鶴招魂近長沙詎乏同情

咸豐五年重九日

臣死忠子死孝家奴死義大名噪烈烈轟轟老廣文萬鈞一  
死扶風教蒼黃賊破信州城殺人如草不聞聲

明沈加明倫則句

堂上朝服坐羣賊睨公却且驚指罵區區教官耳留汝殘

喘速他徙公曰恨不剝賊肉擊賊而死死切齒案下笑出抱  
公號奴呼是我六公子霎時併命橫四屍血飛漉漉怒颺起  
公舉孝廉家甯州司鐸南虔十九秋顛水移官來葛水僕也  
童孫叨從游

三孫兆杏  
彙列郡庠

掀髯樽酒花前把每談忠孝交淚下

冷曹冰雪不知寒熱血乾坤何處灑孰料弦歌鄉遽作干櫓  
場信江白日慘無光亂刃叢中公竟亡吁嗟乎如公方不負  
生平如公方不輕死生浩氣噴薄驅風霆絳節金支朝玉京  
俯視靈山七十二峯青荒城欲暮下黃鶴回首蒼茫悲恨並  
藏碧年年芳草馨芳草巍碑標姓名 雷公諱封子發鳴奴  
曰羅勝殉難俱更有錚錚門斗張國書

信郡請祀雷封於謝疊山先生祠紀實

提學

廉兆綸

琴舫

勇士在溝壑壯士凌雞冠畸人外生死險語詆鼠肝豈不絕  
流俗至理殊未殫觥觥雷夫子身死名教完方之勇與狂孰  
勉而孰安泰山於鴻毛難可等量觀公有不死存心胸甘賊

義甯州志

卷三十五

藝文志詩

庚

制豈知殉公者三心同一丹

公遇害時公子同死三日賊去郡人得公屍於明倫堂兩屍猶

糾結不可開當日救父情狀宛然也一僕一門斗亦以救護死

公死固不朽殉公尤獨難余

亦歎其難敬爲求其端氣勁貫金石氣壯回波瀾兩大至殊  
絕一氣猶際蟠况與我同類早侍青瑣寒况與我同里頗分  
苜蓿餐况與我同物常承菽水歡公子既孝烈僕役皆糾桓  
凡事可僞作此氣無欺謾靈風動下土大義光文壇夫子志  
帥氣典型垂不刊不以死責人論事古所寬不以生害仁高  
誼誰敢干夫子死已矣生氣千秋盤肅肅疊山祠臭味徵金  
蘭表揚使者責持以告同官

題都昌司訓冷煜瀛殉難冊後

做柏梁體三十韻



主事 曾作舟 秋帆 南昌

從古賢豪誰不死要留忠節垂青史先生生長仁義里孝友  
名家完姓始四年崇通賊如螳烈燄鳴張逼桑梓噬吞屢挫  
睢陽齒手無斧柯難獨抵有親可率不由己請命乃翁翁色  
喜出貲募勇築郊壘斬將拴渠賊披靡須臾燒邨火光起回  
身反救杯中水當十當千痛入髓屍填巨港血腥紫抱頭鼠  
竄戰方止可奈傾巢來邇迤四十有三諸壯士重重兜裏戈  
矛裏志不獨生靡他矢臣力苦支今竭矣弟姪偕亡非得已  
又益一妻兼一子一門殉難命如紙天心未絕存綱紀客秋  
我辭長安市催練鄉兵掃瘡痍郡縣結團張復弛安得取義

義甯州志

卷三十五

藝文志詩

七

成仁處處皆如此

彌王古寺

邑人 鄭履階 踏雲

真人羽化自何年結寺彌王避世緣古木遞來風裏磬小溪  
流出石間泉地閒但種千竿竹水足長耕數畝田願向山僧  
同結社鑿池添得遠公蓮

秋日登彌王山

邑人 涂驤雲 亨衢

鴻雁飛空羽正輕閒尋古寺雨初晴日臨清澗涵天色風過  
疎林度磬聲路曲且看隨足轉山高却喜到頭平同來都是  
忘機客樵牧何須問姓名

鳴水瀑布

邑人 徐心如 水臣

淵源上溯潁江清一鎖當中匹練橫鳥爲尋巢斜度險人雖  
對語不聞聲風雷激盪通天地水石凝流寫性情兩岸碧峯  
飛挂處難提畫筆畫關荆

琵琶潭雨聲

好雨聲聲入杳冥琵琶潭一曲助清冷橫斜線理情如寄大小  
珠彈響未停愛把繁音張水部恍將幽怨寫湘靈秋風江上  
潛蹤密多恐蛟龍不忍聽

勝峯晴翠

勝峯峯壓眾峯低一座屏風九疊齊繞日晴光窗外寫連天  
翠色望中迷雲橫劍脊龍朝起樹老僧巢鶴夜栖麗藻愛尋

義甯州志

卷三十五

藝文志詩

五

名士屐我從鴻爪愧留題

潁水秀波

亂石危灘點不驚沿江一派秀波平魚吹錦浪隨雲淨鳥篆  
金沙對日明天爲斯人長積氣經傳此水舊知名吳頭楚尾  
雙襟帶今古河山組織清

桃花尖

里人

徐式儀

桃源舊說是仙家移種危峯襯晚霞最喜年年春二月嶺頭  
無處不飛花

清水巖次黃文節公韻

邑人

李

炎南生

萬竅穿玲瓏巖傳第一好開闢自何年往事費稽考仙人騎

鹿去只剩燒丹竈一任紅塵飛春風自爲掃

過黃文節公故里

明月灣頭勒馬過浩翁遺跡未消磨圖中派衍推詩祖臺上風高荷釣簑一片忠魂傾北宋千秋大筆並東坡傷心莫問宜州事直史無如佞史何

和蔣玉峯刺史留別

半載分猷不憚勞棠陰黍雨徧鄉臯方披綠野迎芝蓋又對黃花送綵旄枳棘原難棲鳳羽絃歌不過試牛刀臨期贈我陽春曲山斗峩峩望愈高

芸香身世著聲華事業文章萃一家科第百年如故物廉明

義甯州志

卷三十五

藝文志詩

五

兩字是生涯鳳毛已絢丹山彩 螭詔旋徵紫閣麻通德門

中培植厚優龍劣虎不勝誇

廿載循聲冠豫章賢良豈但邁龔黃人歸秋水芙蓉鑒公本

梅花鐵石腸七邑桑麻深雨露

公任廣昌德興會昌贛縣貴溪南昌興頌藉藉

四科

桃李植門牆口碑到處人傳頌多少佳篇入錦囊

使節何緣賁艾疆若披雲霧睹天光牛皆劔買朝耕野鼠不

墉穿夜未央

公蒞任來訟稀盜少

鳥爲林深欣有托花緣春好總留香

臣門如市心如水平至竟公私兩不妨

濂山杞梓廣搜求尋尺都歸鐵網收爲剔魚珠嚴藻鑑

課卷用彌

封自倡捐鶴俸助膏油

增加書院膏火公董其事勤懇之至

投爐便化雙龍劍

運削都成五鳳樓公闕課卷詳為藝苑真傳好衣鉢此緣知

是幾生修書院山長龔蘆塢係

歸裝兩袖挹清風廉吏原來不諱窮但使苦心當事諒如斯  
賢宰幾人同平安菓佈千村赤富貴花開一品紅父老齋錢  
競相送可能選一補囊空

雙井茶歌

邑人龔鴻蘆塢

茶中妙品稱無雙雙井名聞在修江春到社前芽先吐雲腴  
競摘吠邨厖士女紛紛歸來晚筠籃滿貯喚小艘問道今年  
何處好明月灣前與釣缸落磴旋飛渾如雪煎來蟹眼生銀  
缸茗椀香餘澆舌本六經細聽語無龐太史遠貽舊居士喚  
義甯州志 卷三十五 藝文志詩 李

起黃州夢回窻風流遠逝隨溪水溪水長此聽淙淙

樵夫詞

邑人莫寶森 茗仙

伐木朝入山丁丁響空谷負薪歸來時午飯剛正熟妻子聚  
團欒舉家粗糲足嗟彼朝市人懷憂多食肉採薪自可炊種  
田還有穀自得清閒趣平生無多欲

牧童詞

朝日牧牛去向暮騎牛歸心與牛相一人閒牛亦肥牛自樂  
水草人不用鞭笞邨歌隨意唱短笛信口吹倦且藉草卧懶  
不脫蓑衣夢入白雲去山間無是非

前代鄉先輩如黃文節周康惠諸公詩原不勝載特登其

有繫邑之風土人物山川古蹟者前代名宦詩亦如之  
國朝作者輩出聊據遺稿採錄而現在者例不入志茲另錄寶  
刺史鎔齋王刺史柳橋詩留爲甘棠並附邑人數詩於後以  
備採風

遊清水巖

知州 竇鴻甄會澤人

兩峰峭拔勝飛來鬼斧神工鑿始開石磴蜿蜒泉作眼天光  
包孕水爲胎尋幽費盡攀援力象物真輸造化才更喜晶瑩  
如玉處題詩何必掃蒼苔

南巖空濶北巖深洞壑迴環一萬尋道是無門偏有路縱然  
不雨總成陰雷轟電掣祛塵垢露滴珠垂助嘯吟如此好山

義甯州志

卷三十五

藝文志詩

空

將不去吸杯清水印臣心

萬人墓

署州 王維新柳橋太湖

浩劫紅羊換空山白骨殘殺函風雨護沙漠水雲漫鬼哭長  
平慘神歸洞府寒夜來螢火出點點血流丹  
骨月渾難辨姓名終不浮千秋遺骸骸坏土傲王侯草木清  
香鬱乾坤正氣留隴頭增寂寞修水自悠悠

登大瀉山

邑人 溫寶書玉臺

大瀉矗立幾千秋守將當年仗劍遊明萬曆間鄧子龍奉檄勒寇駐軍於此玉

峽流泉飛白練古有玉泉寺今廢按三國志有玉泉山在吳楚交界處疑卽此地靈芝擁蓋

伴青楸上有石刻靈字元關妙蘊龍宮邃上有石刻關字一石刻龍洞字蘭若香清

衲室幽

一石刻庸衲室字野寺跡荒臺可憶寺今廢

春潭

草滿井仍留

潭又名九龍井

數重壁壘陰陽合

陽字傍一石

畧小俗呼

一片雲山上下浮

絕雲山四字

風雨無磨銅鑄鼓

山在銅鼓城西

炎涼不改石封侯

石

鎮心爪老懸空谷

石

繞指煙濃補遠陬

直指繆字

拄杖循岩歸路晚

中岩字斜

陽影裏聽樵謳

救飢篇爲家履中賦

邑人余從龍小雲

歲在戊午五月既望大雨旬日載書水潦潢潢無狀

一解城

闔載浮山郭載沈坂田石走茹屋土崩雷載轟雲載霽

二解

相彼陵谷維其遷矣哀哀族人我之懷矣亦孔瘼矣

三解前

義甯州志

卷三十五

藝文志詩

空

年禦寇相籍枕戈去年捕蝗野無麥禾

四解

上兮索逋賦下

兮聲蓋藏死官死兵兮孰與死死年荒

五解

父老曰嗟朝吾

苦飢子婦曰嗟暮吾苦飢朝朝暮暮其誰急之

六解

急之急

之生齒什百貧于吾屬十室八九翳豈有富翳豈無富

七解

豈其移粟必汎舟之役豈其發粟必社倉之積

八解

爰有私

糴入厥穀石如干價比玉爰有平糴出厥米折如許升與斗

取彼家量計貸戶口

九解

噫嘻噫嘻昨日竈生溼今日釜餘

糜子婦熙熙父老怡怡

十解

父老試歌其歌維何歌河無渡

慈筏當誰似

十一解

活人乃甫濟人有自澤潤鹿渚温潤桑

梓葉沃天只根深人只潤齋潤齋可謂有子

十二解

姜孝女詩

邑人熊際盛 註生

遺聞昔閱姜氏譜大書孝女傳千古父名允恭母氏劉終歲  
食貧櫻疾苦長子七齡次甫週有女時年纔十五彌留父付  
疾不起大呼此孤將誰撫女言有母有女在幸侍慈幃女可  
輔逾年母氏病陷危疾草呼女孤安拊女仍矢願撫孤哀血  
淚涔涔墮如雨吞聲飲恨春復秋烏雛啞啞鍛弱羽日夕勤  
劬十指枯鍼耨兼資紡績補親殂鞠弟親嗣延卒大天水舊  
門戶相攸伯叔負殷哀女迺痛哭陳肺腑缺陷終爲兩弟全  
無親何恃復何怙偶逢媒議裂眦瞋毀容剪髮肆詈怒全貞  
不字卅六年忍逝重泉一坏土吁嗟伯姬蹈火木蘭征江殉

義甯州志

卷三十五

藝文志詩

三

曹娥海衛精泉湧魚烹溯先世孝感格天輸真誠誰紀芳徽  
勒金石青編不朽貞女名沈鬱百年上聞壅潛德幽光存鄉  
評後來賢達憫就湮亟籲太史請 朝旌焜煌姓氏荷褒榮  
孝女爲誰姜菊英

四言古體

艾城

鳳巘峯高犀津渡古亥市趁墟喧躑日午  
釣磯荒蕪南崖峯粵薜荔藤枯涪翁不作  
修水北流旄陽東轟光霽一庭濂溪山谷  
骨縮蒼龍波浮羣鰈來往輪蹄爭傳利涉

尋冠雲亭故址望甯城感懷

邑人 鄭祖勛 宗臣

亭荒草滿幾經年勝蹟尋來思惘然城郭萬家猶在望劫灰冷處半無煙

### 重遊雞鳴山寺

深山曾此聽雞鳴幾度來遊景物更極目滄桑增感慨古刹富麗

軒敞成豐五年燬于兵 長眉老衲笑逢迎上方花好偏宜雨苑中植牡丹最盛

佛國風光轉愛晴靜憩禪堂忘坐久茶香多少活泉烹山泉取以

煮茶甘香味美妙不可言土人比之玉液瓊漿云

### 克復義甯示同事諸君

大方 羅澤南 羅山湘鄉

雄關四塞路難行閒道潛屯大將營艾國河山皆失險修江

### 義甯州志

### 卷三十五 藝文志詩

三

草木盡成兵狼奔差幸消江右兔狡猶聞據鄂城惆悵中原

多少爭流離何以慰民生甯州四塞兵無可入之路余督勇從鰲嶺進賊失其險因以制勝義

甯古文國地修江其水名也



毛竹山

邑人徐騰鳳雲都

大山復有山山與山重疊曲曲羊腸行行人心若怯獨有山  
居人山高恣登躡絕頂夕陽橫滿山紅樹葉

雙井懷古

荒草掩蓬戶老樹交四鄰清泉出古井茶香穀雨春一泓釣  
臺水紅尾躍銀鱗我樂魚同樂渺矣舊垂綸懷哉雙井翁不  
僅是詩人古來真節義才大用未伸寄情托吟咏字字出性  
真天空月在水雲停山嶙峋壯懷消熱血老氣橫松筠天地  
有化境胸次忘輪囷一部性情書此境復誰臻展彼西江圖  
祖派藉傳薪憶我童年時契慕仰大椿所幸生同里尚友宜

義甯州志

卷三十五

藝文志詩

奎

遵循士苟能師古千秋道氣親古人不可作口澤尚維新瞻  
拜弔祠宇瓣香奠明禮

訪山谷舊祠

一在馬洲一在雙井俱廢今合祀濂山書院

邑人陳鴻業子宣

名並坡翁古所尊落花春草吊詩魂荒祠烟鎖吟壇寂舊井  
雲封道脈存兩地明禋悲往事一元宗派溯前言於今自合  
濂溪祀修水悠悠濯性源

劉陵舊祠

尋幽恰到龍坪里為訪劉陵漢侍中古木叅差浮碧嶂荒祠  
零落臥秋風咸推善政能驅虎獨獻名言可貫虹太息先生  
遺蹟香雲煙滿逕半蒿蓬